



Siverth K. Heilmann

UPA 2023 148-1

Atassut

09. maj 2023

Angajoqqaat erninermi sulinngiffeqarnerup naammassereersimanerani paarsisussarsisimannngitsunut pisortat qanoq ikiorsiisinnaanerinit tunngasumik, siunnersuummik saqqummiussisussamik, suleqatigiissitaq nalunaarummik suliaqartussamik pileritsisoqarnissaanik Naalakkersuiut peqquneqassasut Inatsisartunut aalajangiiffigisassatut siunnersuut. Nalunaarusiami siunnersuut aallaavigalugu pisortanut aningaasatigut suut kingunissaanersut ilaasapput. Suleqatigiissitaq innersuussutini kingusinnerpaamik 1. Januar 2024 saqqummiuteersimassavaat.

(Demokraatit Inatsisartutgruppia)

Demokraatit Inatsisartutgruppiat qutsavigissavassi qulaani qulequtarineqartumut saqqummiussaqaarnissinnut, imatullu Atassummiit naatsumik oqaaseqarfigissavarput.

Qulequtarineqartumut atatillugu tunngavilersuutaasoq, angajoqqaatut meeqqerivinni inissaqannginneq imaluunniit erninermi sulinngiffeqarnermi pisartagaqannginneq ilaatigut pingaarnertut tikkuar-neqarnera paasinarluarpoq. Kommuunit pisussaaffigisarpaput sapinngisamik meeqqanut paaqqin-nittarfinnik naammattunik peqarnissarput, inoqarfiilli ilaanni tamanna ajornakusoortarsimamera paasisaannarparput.

Suliffissat aningaasarsiorfissallu ataavartut pingaartikkaanni, kommuunit suliffeqarfiillu suleqatiga-lugit ilaatigut meeqqeriviliornernut aningaasaleeqatigiissinnaaneq piumagaanni ajornanngilaq, tamanna uanga aggerfinni qanganerusoq misilittagaqarfigilluarparput. Ukiunili makkunani nunaqa-vissut sulisussanik amigaateqartuarneput pissutaalluni, avataanik tikiorartitsineq milliartunngilaq.

Taamaattumik Demokraatit Naalakkersuisut peqquneqarnissaannik siunnersuuteqarnerat tunngavia-tigut taperserlugit ataatsimiititaliamut susassaqaartumut ingerlaqqaarnissaa Atassummiit taperserpar-put.

Qujanaq.